

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 286 · 4 NOVEMBER 2022

Kontakbesonderhede: mediasentrum@framesby.co.za



SKOOLHOOF:
5 APRIL 1977 - DESEMBER 1993

IN LIEFDEVOLLE HERINNERING AAN
MNR. J.T. KRITZINGER

Oh captain. My captain.

Dis met groot leedwese dat die Framesby-gemeenskap verneem het van die afsterwe van ons tweede skoolhoof, mnr. Johan Kritzinger.

Mnr. Kritzinger het van April 1977 tot Desember 1993 as skoolhoof van Hoërskool Framesby gedien. In hierdie 17 jaar het Framesby onder sy besondere leiding gegroei van 'n jong opkomende skool tot 'n opvoedkundige instelling wat sou tel onder die heel beste in Suid-Afrika. Met sy besondere mensekennis en joviale geaardheid het hy 'n impak gehad op elke persoon met wie sy pad gekruis het. As mentor het hy ook 'n baie spesiale rol gespeel in die lewens van almal wat bevoorreg was om hul onderwysloopbane onder sy leiding te kon begin, of onder sy leiding skoolgehou het.

Mnr. Kritzinger het elke leerder in die skool geken en hy het die vermoë gehad om op sy unieke manier mense aan te spoor om hul heel beste te gee. Sy trots in sy skool was altyd opmerklik en het baie bygedra daartoe dat Framesby gevinstig is as dié skool in Port Elizabeth. Sy gasvryheid was ook aansteeklik en hul huis het vir almal oopgestaan. Hy het sy rol as skoolhoof met groot waardigheid vervul en in erkentlikheid aan die werk van sy voorganger gebou aan 'n nalatenskap wat vandag steeds duidelik sigbaar is. Hiermee het hy die woorde uit ons skoollied: "Ons neem al die mooi uit ons roemryk verlede, en bou daarop graag 'n eervolle hede", elke dag uitgeleef.

Hoërskool Framesby bring graag hulde aan hierdie groot man uit ons geskiedenis vir wie die beste belang van die skool altyd die hoogste prioriteit was en wat elke dag geleef het in groot afhanklikheid van sy Hemelse Vader.

Ons innige simpatie aan sy vrou Annette, sy kinders Lizette, Michiel en Johanette, en sy kleinkinders. Mag julle in hierdie tyd groot genade en vredeervaar, en vreugde put uit die herinneringe aan die lewe van julle besondere eggenoot, pa en oupa.

VERJAARSDAE DIE WEEK

SATERDAG · 5 NOVEMBER

Danika Marais
Arnu Kruger
Milayke Fourie
Anika Johnstone

SONDAG · 6 NOVEMBER

MAANDAG · 7 NOVEMBER

Laboné Joubert
Méké de Vries

DINSDAG · 8 NOVEMBER

Dané vd Mescht
Jadey Chippett

WOENSDAG · 9 NOVEMBER

Karla Labuschagne

DONDERDAG · 10 NOVEMBER

Karla Kruger
Lara Nell
Drisden Pretorius

VRYDAG · 11 NOVEMBER

Keanu Gericke

HANDBOEKE- EN SKRYFBEHOEFTELYNS VIR 2023 IN FAKKEL-FLITSE

Let wel daar is 'n verandering op die Graad 8 handboeklys.

EKSAMENROOSTER GRAAD 8 TOT 11 - OKTOBER/NOVEMBER 2022

Datum	Graad 8		Graad 9		Graad 10		Graad 11	
	Skryftyd begin	Oggend 08:00	Oggend 08:00	Oggend 09:00	Middag 14:00	Oggend 09:00	Middag 14:00	Oggend 09:00
Donderdag 27 Oktober				English HL P3 (2 h) English FAL P3 (1 h)	Visuele Kuns (2 h)	RTT (CAT) V1 Prakties (3 h)	RTT (CAT) V1 Prakties (3 h)	Afrikaans V3 (3 h)
Vrydag 28 Oktober				RTT (CAT) V1 Prakties (2 h)	LO (2 h)	English HL P3 (2½ h) English FAL P3 (2 h)	English HL P3 (2½ h) English FAL P3 (2 h)	IGO V1 (3 h)
WEEK 1								
Maandag 31 Oktober				VBS (3 h)	Musiciek V2 (1 h)	BS V1 (2 h)	BS V1 (2 h)	Musiciek V2 (1½ h)
Dinsdag 1 November				Musiciek V1 (2½ h)	Toerisme (2 h)	IGO V1 (3 h)	Musiciek V1 (3 h)	
Woensdag 2 November					IT V1 Prakties (2½ h) Landbouwetenskappe V1 (2½ h)	Eng. HL P1 (2 h) Eng. FAL P1 (2 h)	Geografie V1 (3 h)	LO (2 h)
Donderdag 3 November					Afrikaans V3 (2½ h)		IT V1 Prakties (3 h)	
Vrydag 4 November				Wiskunde V1 (SOS) (1½ h)	FW V1 Fisika (2 h)		Wisk. V1 (3 h) WG V1 (3 h)	
WEEK 2								
Maandag 7 November				Wiskunde V2 (SOS) (1½ h)	FW V2 Chemie (2 h)		Wisk. V2 (3 h) WG V2 (3 h)	
Dinsdag 8 November				EBW (1 h)	BS V1 (2 h)		Afrikaans V1 (2 h)	
Woensdag 9 November				Afrikaans (1¾ h)	LW V1 (2½ h)			
Donderdag 10 November				Eng. HL (2 h) Eng. FAL (2 h)	RTT (CAT) V2 Teorie (1¼ h)		Eng. HL P1 (2 h) Eng. FAL P1 (1½ h)	BS V2 (2 h)
Vrydag 11 November				SKM / SKD (1 h)			Wisk. V1 (2 h) WG V1 (1½ h)	FW V1 Fisika (2 h)
				Wiskunde V1 (SOS) (80 minute)	Tegnologie (1 h)			

Datum	Graad 8	Graad 9	Graad 10	Graad 11
Skrifftyd begin	Oggend 08:00	Oggend 08:00	Oggend 09:00	Middag 14:00
				Ooggend 09:00
WEEK 3				
Maandag 14 November	Wiskunde V2 (SOS) (80 minute)	FW (65 minute)	Wisk. V2 (2 h) WG V2 (1½ h)	FW V2 Chemie (2 h)
Dinsdag 15 November		LO (1½ h)	IT V2 Teorie (2½ h) Landbouwetenskappe V2 (2½ h)	Eng. HL P2 Eng. FAL P2 (2 h) (2½ h)
Woensdag 16 November	Eng HL (1½ h) Eng FAL (1½ h)		Geografie V1 (3 h)	Afrikaans V2 (2½ h)
Donderdag 17 November	LW (50 minute)	Afrikaans (1¾ h)	Rekeningkunde (2 h)	RTT (CAT) V2 Teorie (1h 40 min) Landbouwet. V1 (2½ h) Dramatiese Kunste (3 h)
Vrydag 18 November		Geografie (80 minute)	Afrikaans V1 (2 h)	Rekeningkunde V2 (2 h)
WEEK 4				
Maandag 21 November	FW (55 minute)	LW (1 h)	Afrikaans V2 (2 h)	VBS (3 h) Visuele Kuns (2½ h)
Dinsdag 22 November	LO (1½ h)		Eng. HL P2 (2 h) Eng. FAL P2 (50 min)	LW V2 (2½ h)
Woensdag 23 November	Tegnologie (1 h)	Geskiedenis (1½ h)	BS V2 (2 h)	Landbouwetenskappe V2 (2½ h) IT V2 Teorie (3 h)
Donderdag 24 November	SKM / SKD (1 h)	EBW (1½ h)	Geografie V2 (3 h)	Toerisme (2½ h)
Vrydag 25 November			LW V2 (2½ h)	IGO V2 (3 h)

0/15 A KRIEKETSPAN KLOP VIR MUIR

Saterdag, 29 Oktober

Framesby 0/15A vs Muir 0/15A

Framesby wen die loot en besluit om eerste te kolf.

Framesby behaal 376-8 in 50 beurte.

Beste kolwers:

Zander Swanepoel 103 (60)

Lehan Barnard 72 (95)

Dewan Wessels 61 (38)

JJ de Lange 52 (62)

Muir behaal 73 almal uit in 17.1 beurte.

Beste boulers:

Logan Fleetwood 4/18 na 5 beurte

Evan Claasen 4/32 na 6 beurte

Framesby wen met 303 lopies.



SPEEDY GONZALES-BYEENKOMS!

Vier Framesby-leerders het die afgelope Saterdag aan die naelloope- byeenkoms by Gelvandale deelgeneem. Al vier het onder die eerste 3 atlete geëindig:

Jade Rollison (seuns 0.15) eerste in die 100m

Jade de Jager (dogters 0.15) eerste in die 100m

Anneke Grobler (dogters 0.15) tweede in die 100m en 400m

Ciarah Santos (dogters 0.15) derde in die 400m

Baie geluk aan die leerders!



OP BRING DIE BEKER HUIS TOE!

OP wen die interprovinsiale tweekampbyeenkoms. Baie geluk aan almal wat medaljes gewen het, asook die OP-span wat die trofee huis toe bring.

In volgorde:

Ons afrigter Cody Coombe-Davis 1ste plek - Senior Mans

Anabelle Jonck 3de - Junior Dames

Zanri Black 1ste - o/19 dogters

Francois Vosloo 1ste - o/19 Seuns

Jaco Strydom 3de - o/17 Seuns

Marco Sprong (afwesig op foto) 3de - o/19 seuns



TENNISUITSLAE:

Die afgelope naweek het 4 van ons 0/15 meisies aan 'n toernooi by Collegiate deelgeneem. Dit was 'n goeie leerskool vir ons spelers aangesien hulle almal in graad 8 is.



NICKE OPGENEEM IN BINNESHUIS-HOKKIESPAN

Nicke van Rooyen, Gr. 8 is vir die Vipers se binneshuishokkie 0/14 B-span verkies.
Baie geluk!!



BESTEL SKOOLFOTO'S:

SKOOLFOTO'S:

Foto's van individuele leerders asook klas-/span-/groepfoto's van sport- en kultuur kan bestel word.

o Hierdie foto's is beskikbaar op die volgende webtuiste adres en kan daar bestel word:

www.pagephotography.co.za

o Die wagwoord wat die Framesby-familie moet gebruik is: Framesby99

o Sodra jy jou bestelling plaas, sal jy 'n e-pos ontvang met die bestel en betaalopsies.

o Alle betalings sal via EFT of direkte deposito gedoen word soos die inligting op die webtuiste aandui.

o Ons sal u gereeld op hoogte hou soos foto's beskikbaar word.

o Alle navrae rondom die foto's kan per e-mail gerig word aan Charnelle De Lange Kruger by die volgende e-pos adres: charnelle@diehanger.co.za

SWEMUITSLAE:

B-Liga Gala 29 Oktober 2022

Die swemseisoen skop vir die eerste keer af na die COVID-pandemie. Elf swemmers het Saterdag aan die B-Liga gala deelgeneem en ons deel graag met julle die uitslae. Ons wil ook spesiale vermelding maak van Juwan Wium en Jean Kolesky wat hulle persoonlike beste tyd in onderskeidelik die 50m borsslag en 100m vryslag behaal het. Die swemspan het in totaal 6 eerste, tweede en derde plekke behaal en die meeste van ons swemmers het in die top 8 geëindig. Baie dankie aan ons swemmers se deelname.



SKAAK:

Ruben Bouwer en Ruan Grigor het die afgelope 5 weke aan Port Elizabeth Chess Club se Close Championship deelgeneem. Hulle het elke Donderdag 'n wedstryd gespeel. Ruben eindig 2de in die C-afdeling en het 'n silwer medalje ontvang.
Baie geluk!



PAALSPRINGKLINIEK MET OKKERT BRITZ EN LOUIS NIENABER

Paalspringers by Louis Nienaber (Springbokafripter) en Okkert Brits (gewese wêreldkampioen en paalspring legende).



FRAMESBY-MUSIEK SIT NIE STIL NIE

Musiekeksamen

Elmien Hartslef het onlangs die ABRSM Graad 5 Dwarsfluit-eksamen afgelê, waarvoor sy 'n onderskeiding behaal het. Baie geluk aan Elmien sowel as haar onderwyser, mev. Nellie Brandt.

Koor en orkes bekoro by mannekoor-konsert

Framesby se koor en orkes het op Vrydagaand 28 Oktober by Arbitrio mannekoor se eindjaar konsert opgetree. Die Forte-orkes het die aand op uitstekende wyse geopen en baie komplimente met hul optrede ontvang. Die Fantasia koor was eers later op die program en het, as enigste skoolkoor wat genooi was, hul ook goed van hul taak gekwyt. Daar was verskeie volwasse kore sowel as soliste wat ook by die geleentheid opgetree het, en ons koor het aan die einde van die aand saam met hierdie groepes aan 'n massakoor deelgeneem. Dit was 'n baie vermaaklike aand en ons eie koorlede kon ook heelwat leer deur na die volwasse kore te luister.

Drie orkeslede in Oos-Kaapse Blaasorkes

Drie Forte-lede het suksesvolle oudisies vir die Oos-Kaapse Blaasorkes (ECWO) afgelê. Orkeslede wat minstens graad 4-vlek op hul instrument is, kon 'n oudisie per video instuur.

Natasha Labuschagne (tromboon), Jaco Strydom (tromboon) en Luka Bessinger (eufonium) het hul oudisies geslaag en gaan van 12-16 Desember 'n jeugorkes kursus by Summerwood Primêr bywoon, waar hul die geleentheid sal hê om saam met skoliere en studente van regoor die Oos-Kaap in verskillende ensembles te speel. Die kursus word afgesluit met 'n konsert, waar die orkeslede ten toon stel wat hul deur die week geleer het.

Nie net is dit Natasha se vierde ECWO-kursus nie, maar sy is ook vanjaar verkies tot tromboon 1 - 'n besonderse prestasie. Dit is ook 'n eer vir Jaco en Luka om vir die jeugorkes gekies te word, aangesien hul albei nog in graad 8 is. Baie geluk aan al 3 leerlinge!



ONS VERWELKOM:

Ons verwelkom vir Mizaan en Deon Kapp wat in Januarie 2023 by ons aansluit. Mizaan en Deon sal Hoëskool Framesby se biokinetici in die nuwe gimnasium wees



FRAMESBY NETBAL KEN-MEKAAR OEFENKAMP

**vir voornemende Gr. 8-leerders
vind plaas op**

Datum: 5 + 19 November 2022

Tyd: 09:00 - 10:30

Plek: Hoëskool Framesby-netbalbane



**Navrae:
Charmaine Beetge
079 885 5416**

DIE KOSBLIK

Die Kosblik gaan nie meer ontbyt of middaggetes vanaf die 4de kwartaal verkoop nie.

Net die volgende items is beskikbaar:

Gevulde tramezzini's

Toasted sandwiches

Chicken wraps

Small & large slap chips

Chicken & beef burgers

Boereworsrolle

Chicken & beef Samoosa's

Verskeidenheid pasteie

Pakkies chips, sjolokade, lekkers ens.

Kosblik(Kombuis) is Maandae tot Donderdae van 06:00 tot 16:00 oop en Vrydae van 06:00 tot 15:00. Die leerders kan steeds in die Kosblik sit tot 18:00 toe.

Die vending machine sal ook vir die leerders beskikbaar wees.



FRAMESBY OUDSKOLIERE



ONS GEELS MET: EON STRAUSS



Eon Strauss

Daar is so baie dinge van Hoërskool Framesby om te onthou dat dit eintlik te veel is om te noem! Diegene wat my ken, sal ek weet dat ek eintlik 'n man van min woorde is... daarom lig ek net 'n paar hoogtepunte van my hoërskoolloopbaan uit.

Saalbyeenkomste is beslis iets wat ek nie kan vergeet nie. Me. Jordaan het ons graadgroep in 1999 duidelik laat verstaan dat sy nie baie van graad 8's hou nie en vir die Silversliper is ek nou nog skrikkerig... Die saal het soos die Rooi See oopgegaan as mnr. Pretorius eers ingestap het, maar tog het ons op laaste dag van graad 12 met breë glimlagte uit die saal gestap en mnr. Lombard se immergewilde gesegde uitgeroep: "Dit is lekker om 'n Framesby te is."

Die kriekettoere na Mosselbaai saam met mnr. Van Niekerk, mnr. Rauch se Vrydagaand-motiveringspraatjies voor Saterdag se rugbywedstryd en die Biologie-lesse waar mnr. Oosthuizen ons vermaak het met sy: "Ek skud my piesangs", is wat my tyd in Hoërskool Framesby lekker gemaak het. Dit is met ŉ dankbare hart dat ek kan sê dat ek my vyf jaar by Hoërskool Framesby werklik geniet het. Daar word altyd gesê spyt kom te laat en dit is regtig ook die waarheid. As ek terugdink aan my skooldae wens ek tog dat ek aan meer aktiwiteite deelgeneem het. Me. Cronjé het hard probeer om my by die landloop te hou, maar die kafeteria se "chip rolls" het harder geroep...

Wat mis ek van skool? Ek sal sê die samehorigheid. Die gevoel van 'n familie. Om saam as sportspanne mekaar te ondersteun, jeugsaal te geniet en om net deel van so 'n vooruitstrewende skool te kon wees. Ek was beslis nie net 'n nommer in Framesby nie. Ek het daarna gestreef om myself op alle terreine te ontwikkel - akademies, geestelik en sosiaal. Laasgenoemde dalk so 'n bietjie meer as eersgenoemde... maar wyle me. Botha se weeklikse Bedryfsekonomie-klastoetse het tog vrugte gewerp en ek is trots op daardie A-simbool. Ek kan wel met oortuiging sê dat ek ten einde as volwasse en gebalanseerde jongmens my roeping suksesvol in die samelewing kon vul.

Ek was 'n gemiddelde leerder in 'n skool wat my die geleentheid gebied het om te presteer. Ek was bevoorreg om vir Framesby se 1ste krieketspan van 1999 tot 2003 te speel. Dit was ook vir my 'n voorreg om die kaptein in my matriekjaar te wees. Ek was die kaptein van die O/16A-rugbyspan en het later my Bloktrui met groot trots van 2002 tot 2003 gedra. Ek het van 2002 tot 2003 op die Monitorbestuur gedien en was Huis Vis se kaptein in 2003. Ek het my goue meritediploma in 2003 verwerf en ook op die ererol verskyn. Ek was 'n VCS-kringleier en ook lid van die dansklub. Dit was ook 'n voorreg om in 2003 saam met twee van my nefies te kon matrikuleer, nl. Coenrad Barnard en Reinhardt Potgieter. Familie is en was nog altyd vir my belangrik en die rol wat my ouers (beide oudskoliere van Hoërskool Framesby) en my jonger suster in my opvoeding gespeel het, is van onskatbare waarde.

Na skool het ek B.ed Intermediêre Fase aan NMU studeer en my B.ed (Honneurs) in 2008 voltooi. Tydens my studentejare was ek ook betrokke by die afrigting van verskeie Framesby-spanne. Ek het my onderwysloopbaan by Westering Primary begin en is in 2013 daar as departementshoof aangestel. Tans bevind ek my by Laerskool Charlo waar ek in 2020 as adjunkhoof aangestel is. Ek is betrokke by rugby, krieket en leierskap, maar my groot liefde bly die wesenlike verskil wat ek in die klaskamer probeer maak. Ek leef volgens Martin Luther King se bekende woorde: "Die funksie van die onderwys is om iemand te leer om intensief en krities te dink. Intelligensie + karakter = die doel van ware onderwys."

Ek het in 2011 in die huwelik getree met my skoolverlaterskamp-liefde, Heidi (née van Kampen) Strauss. Sy is bevoorreg is om al vir 12 jaar by my alma-mater, Hoërskool Framesby, skool te gee en ook op die bestuur te dien. Ons het twee bekkige dogtertjies, nl. Petro (6) en Liané (3), wat ons goed op ons tone hou. Vir ons is dit van uiterse belang dat hulle nie as "Meneer of Juffrou Strauss" se kinders moet bekend staan nie, maar hul eie skoene sal volstaan met die waardes wat ons op 'n daaglikse basis met die genade van bo vir hulle probeer leer en as voorbeeld stel. (Hulle vertel wel graag vir vreemde mense dat hul pa se "office" baie groter as hulle ma se "kantoor" is...)

Ek wil dan van hierdie geleentheid gebruik maak om Hoërskool Framesby te bedank. Vir die lewenswaardes wat die grondslag van my gesindheid en optredes bepaal het. Hierdie tuiste van wenners het gemaak dat ek my potensiaal kon verwesenlik. En daarom kan ek beslis aanhou om te handhaaf en bou.

Vriendelike groete.

Eon Strauss

(2003)



OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar benodig hul selffoonnommer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.

OUDSKOLIERE MEMORABELIA:

Ons wil graag memorabilia vir ons oudskoliere ontwerp en laat maak. Enige voorstelle kan na mediasentrum@framesby.co.za ge-epos word.



FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na **fos@framesby.co.za** sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

**U inligting bly hoogs
vertroulik.**

**Die rede hoekom ons u
ID-nommer benodig, is om te
verhoed dat ons duplike op
ons sisteem stoor.**



Big Picture Insights

Bestuur jou nalatenskap deur behoorlike boedelbeplanning en jou testament

Baie van ons is altyd besig om "goed" bymekaar te maak, waarvan party hetsy om finansiële of sentimentele redes vir ons baie belangrik is, terwyl ander van minder belang is. Ons kan sommige goed sien en aanraak, soos 'n motor. Ander kan nie gesien word nie, maar is net so belangrik, soos die reg op iets wat in 'n trust bewaar word. Maar wat gebeur met al hierdie "goed" wanneer ons die dag te sterwe kom?

Die opstel van 'n testament verg 'n strategie in die vorm van boedelbeplanning – watter oorwegings moet jy in gedagte hou?

Voordat 'n mens dit op skrif stel, moet jy mooi dink hoe jou testament onbedoelde gevolge kan hê. Met behoorlike boedelbeplanning kan al hierdie oorwegings beter bestuur word. Boedelbeplanning behoort 'n komponent van ons breë finansiële beplanning te wees. Dit help ons om ons sake te orden en te sorg dat ons geliefdes by ons afsterwe in die beste moontlike finansiële posisie gelaat word.

'n Kernelement van boedelbeplanning is hoe die boedel belas sal word

Belasting moet nooit die enigste faktor wees wat oorweeg word nie, maar ons moet belastingdoeltreffendheid in die uitvoering van ons wense probeer verseker. Oorwegings sluit in om belasting te vertraag deur besittings aan 'n oorlewende gade na te laat, of voor afsterwe 'n skenking te doen aan h trust of 'n ander party. Nog 'n belangrike oorweging is likiditeit in die boedel, om te sorg dat daar genoeg kontant is om skuld te vereffen en belasting te betaal. Dit sal verhoed dat kosbare bates soos die gesin se huis noodgedwonge verkoop moet word. Waar likiditeit dalk onvoldoende is, moet geskikte lewensdekking oorweeg word wat kontant aan die boedel sal betaal.

Wanneer 'n boedelplan in plek is, het jy 'n testament nodig wat aan verskeie reëls voldoen

In 'n wêreld waar kommunikasiemedia deurentyd verander, het die kommunikasie van ons wense vir die hantering van ons besittings by afsterwe redelik formeel gebly. Die wet stel formele vereistes vir testamente om geldig te wees. Die getuies by jou ondertekening van die testament moet byvoorbeeld ouer as 14 wees, nie begunstigdes van die testament wees nie en moet fisies teenwoordig wees wanneer jy die testament teken, en hulle moet hul handtekeninge byvoeg. Daar is ook verskeie ander formaliteite. Een verkeerde stap kan veroorsaak dat die hele testament ongeldig is. By afsterwe sonder 'n geldige testament word die boedel volgens intestate erfopvolging verdeel. Dit beteken ons bates word namens ons volgens vasgestelde regsreëls verdeel. Dit kan daartoe lei dat bates toegeken word aan 'n familielid wat dit nie nodig het nie, of nie in staat is om dit te bestuur nie.

'n Testament kan eenvoudig wees, soos om 'n paar mense as erfgename te benoem. Dit kan egter baie meer ingewikkeld raak, in welke geval 'n trust kan help om bates na jou dood te bestuur. Dit is belangrik om in gedagte te hou dat ander elemente soos jou huweliksbedeling, egskeiding en bates wat in 'n buitelandse jurisdiksie gehou word, ook 'n invloed het op hoe jou testament opgestel word – beide in Suid-Afrika en, wanneer nodig, in die buitenland.

'n Artikel soos hierdie kan nooit al die toepaslike oorwegings dek nie. Jou finansiële adviseur kan jou deur hierdie proses lei op 'n wyse wat die beste vir jou omstandighede werk en by jou breë finansiële plan inpas.

Skrywer: Gerhardt Meyer, Strategiese Tegniese Bestuurder, PSG

Vriendelike groete



T +27(41) 392 6900 | Kaapweg 146, Mill Park, Gqeberha, 6001.



HOËRSKOOL FRAMESBY GHOLF DAG 2022



BESPREEK
NOU!



18 NOVEMBER 2022



R 1 600
per vierbal.
4-BALL ALLIANCE
Scramble Drive
Sluit vingerhappies by
prysuitdeling in.



HUMEWOOD GHOLF KLUB

Marine Drive,
Summerstrand
Port Elizabeth



BESPREKINGS

Christo Scriven
082 304 5229
cscriven@framesby.co.za

BEPERKTE SPASIE BESKIKBAAR!



HOËRSKOOL FRAMESBY GHOLF DAG 2022



BESPREEK
NOU!



18 NOVEMBER 2022



R 1 600
per vierbal.

4-BALL ALLIANCE
Scramble Drive
Sluit vingerhappies by
prysuitdeling in.

HUMEWOOD GHOLF KLUB


Marine Drive,
Summerstrand
Port Elizabeth

BESPREKINGS

Christo Scriven
082 304 5229
cscriven@framesby.co.za

BEPERKTE SPASIE BESKIKBAAR!


Hoërskool Framesby




DIE
WOLKSKOOL
MAANDVERSLAG

Oktober 2022

Die Wolkskool verseker dat elke leerder en onderwyser ingelig is oor die waarde wat hulle verkry met Die Wolkskool en om sodoende optimale gebruik en korrekte aanwending van die platform te bewerkstellig. Daarom is dit vir ons belangrik om op 'n gereelde basis met u te kommunikeer rakende verskeie aspekte en aangeleenthede om ons diens aan die skool te verbeter. Die Wolkskool-span is toegewyd om gehalte diens aan u te lewer en buiten die uitbreiding van die platform word oueropleiding ook beplan. Ons sien uit om saam met julle te groei.





Hoërskool Framesby

SPORT

HOOF: ATLETIEK/TWEEKAMP/LANDLOOP

Minimum vereistes:

- Meld afrigters- en beamptekwalifikasies.
- Bewese ondervinding in afrigting van atletiek - meld spesifieke items waarin u spesialiseer.
- Bewese ondervinding in opleiding van afrigters.
- Sterk kommunikasie- en disciplinevaardighede.
- Sterk administratiewe vaardighede.
- Bewese rekord in bestuur van atletiekprogram by 'n skool.

Verantwoordelikhede:

- Beplanning van atletiekprogramme in same-werking met die sporthoof.
- Reëlings t.o.v. alle atletiek.
- Bestuur van afrigterskorps.
- Rapporteer direk aan die sport- en skoolhoof.
- Vergesel atlete na alle byeenkomste.

Algemeen:

- 1) Die vermoë om in 'n span te kan werk is van uiterste belang.
 - 2) Die vermoë om die totale sportprogram van die skool te kan eerbiedig .
- Diensaanvaarding: **Januarie 2023**
 - Sluitingsdatum vir aansoeke: **11 November 2022**
 - Slegs persone wat vir onderhoude genooi word, sal gekontak word.
 - Die Beheerliggaam behou homself die reg voor om nie die pos te vul as 'n gesikte persoon nie gevind word nie.
 - Volledige aansoeke en CV's aan:

Tel : 041-360 1257 - Faks: 041-360 7787

E-pos: skoolhoof@framesby.co.za



Weekly Specials

MONDAY

200g Prime Cut Rump,
Onion Rings, Sauce & Fries

R85

EAT-IN / COLLECT

TUESDAY

Rib & Wing Basket
+ Dip

R85

EAT-IN / COLLECT

WEDNESDAY

Discount on Main Meals
for Ladies Only

50% OFF

EAT-IN ONLY. NO SHARING

FRIDAY

Beer Battered Hake & Fries,
Chunky Tartare Sauce
& Lemon Wedge

R65

EAT-IN / COLLECT

THURSDAY

200g Handmade Beef/Chicken
Burger, Fries & Onion Rings

R65

EAT-IN / COLLECT

SATURDAY

Golden Crumbed Chicken Schnitzel
with Fries & a Sauce of your choice
Plus 3 x complimentary Boxtyle Balls

R85

EAT-IN / COLLECT

SUNDAY

2-Course Sunday Roast

R95

EAT-IN / COLLECT

AVAILABLE FOR EAT-IN, CALL & COLLECT OR TAKEAWAY: 041 492 3700
SUNRIDGE VILLAGE, KRAGGA KAMMA ROAD, SUNRIDGE PARK

